

重刊道藏輯要

孫真人備急千金要方卷之三

投五

宋朝奉郎守太常少卿充祕閣校理林億等校正

婦人方

妊娠諸病第四方灸法

第一胎動及數墮胎

治妊娠二三月上至八九月胎動不安腰痛已有所見方

艾葉

阿膠

芎藭肘後不用

當歸各三兩

甘草二兩

五味以水八升煮取三升去滓內膠令分三服日三

治妊娠胎動去血腰痛方

道藏輯要

孫真人千金方

續虛集十二

阿膠二兩

芎藭

當歸

青竹茹各五兩

右四味以水一斗半煮銀二斤取六升去銀內藥煎取二升

半內膠令烱分三服不瘥重作一方用甘草二兩

葱白湯治妊娠胎動不安腹痛方

葱白升切一

阿膠二兩

當歸

續斷

芎藭各三兩

右五味咬咀以水一斗先煮銀六七兩取七升去銀內藥煎

取二升半下膠令烱分三服不瘥重作

治妊娠胎動晝夜叫呼口噤唇寒及下重痢不息方

艾葉咬咀以好酒五升煮取四升去滓更煎取一升服口閉

者格口灌之藥下即瘥亦治妊娠腰痛及妊娠熱病并妊娠

卒下血

旋復花湯治妊娠六七月胎不安常服之方

旋復花兩

半夏

芍藥

生薑

各二兩

枳實

厚朴

白朮

黃芩

茯苓

各三兩

右九味咬咀以水一斗煮取二升半分五服日三夜二先食服

治妊娠數墮胎方

取赤小豆為末酒服方寸七日二亦治妊娠數月月水尚來者

又方妊娠三月灸膝下一寸七壯

道藏輯要

孫真人千金方

美續虛集十二

第二漏胞方

治妊娠下血如故名曰漏胞胞乾便死方

生地黃半斤咬咀以清酒三升煮三沸絞去滓服之無時能

多服佳

姚大夫加黃雌雞一頭治如食法崔氏取雞血和藥中服

治妊娠血下不止名曰漏胞血盡子死方

乾地黃搗末以三指撮許酒服不過三服瘥

又方生地黃汁一升清酒四合煮三四沸頓服不止頻服

又方

乾薑二兩

乾地黃兩

右二味治下節以酒服方寸七日再三服

第三子煩方

竹瀝湯治妊娠常苦煩悶此是子煩

竹瀝升一

麥門冬

防風

黃芩

各三兩

茯苓

四兩

右五味以水四升合竹瀝煮取二升分三服不瘥再

又方時時服竹瀝隨多少取瘥止

第四心腹腰痛及脹滿方

治妊娠心痛方

青竹皮一升以酒二升煮三兩沸頓服

又方破生雞子一枚酒和服之

又方

道藏輯要

孫真人千金方

至

續虛集十二

白蜜

三兩

羊脂

八兩

青竹茹

一升

右三味合煎食頓服如棗核大三枚日三

又方蜜一升和井底泥泥心下

又方燒棗二七枚為末尿服之立愈

治妊娠腹中痛方

生地黄三斤搗絞取汁用清酒一升合煎減半頓服

又方燒車杠脂內酒中服亦治妊娠欬嗽并產難三日不出

又方取蜜一升頓服良

治妊娠腹中滿痛又心不得飲食方

黃芩

三兩

芍藥

四兩

白朮

六兩

右三味咬咀以水六升煮取三升分三服半日令藥盡微下水令易生月飲一劑為善也

治妊娠忽苦心腹痛方

燒鹽令赤熱三指撮許酒服之立產

治妊娠傷胎結血心腹痛方

取小兒尿二升頓服之立瘥大良

治妊娠中惡心腹痛方

新生雞子二枚破著杯中以糯米粉和如粥頓服亦治妊娠卒胎動不安或但腰痛或胎轉搶心或下血不止

又方水三升洗夫靴剔汁温服

道藏輯要

孫真人千金方

妻續虛集十二
川文川

治妊娠中蠱心腹痛方

燒敗鼓皮酒服方寸匕須臾自呼蠱王姓名

治妊娠腰痛方

大豆二升以酒三升煮取二升頓服之亦治常人卒腰痛者

又方麻子三升以水五升煮取汁三升分五服亦治心痛

又方

鼓二兩

榆白皮三兩

右二味熟搗蜜丸如梧桐子大服二七丸亦治心痛

又方燒牛屎焦末水服方寸匕日三服

又方地黃汁八合酒五合合煎分温服

治妊娠脹滿方

取秤錘燒之淬酒中服良亦治妊娠卒下血

第五傷寒方

治妊娠傷寒頭痛壯熱肢節煩疼方

石膏八兩

大青

黃芩各三兩

葱白切一升

前胡

知母

梔子仁各四兩

右七味以水七升煮取二升半去滓分五服相去如人行七八里久再服

治妊娠頭痛壯熱心煩嘔吐不下食方

知母四兩

粳米五合

生蘆根一升

青竹茹三兩

道藏輯要

孫真人千金方

堯續虛集十二

右四味以水五升煮取二升半稍稍飲之盡更作瘥止

治妊娠傷寒服湯後頭痛壯熱不歇宜用此湯拭其身

麻黃半斤

竹葉切一升

石膏三升為末

右三味以水五升煮取一升去滓冷用拭身體又以故布揜頭額胷心燥則易之患瘥者加恒山五兩

治妊娠傷寒方

葱白十莖

生薑二兩切

右二味以水三升煮取一升半頓服取汗

治妊娠中風寒熱腹中絞痛不可針灸方

鯽魚一頭燒作灰搗末酒服方寸匕取汗

治妊娠遭時疾令子不落方

取竈中黃土水和塗臍乾復塗之一方酒和塗方五寸又泔清和塗之並佳

又方犬尿泥塗腹勿令乾

治妊娠熱病方

葱白五兩

豆豉一升

右二味以水六升煮取二升分二服取汗

又方葱白一把以水三升煮令熟服之取汗食葱令盡亦主安胎若胎已死者須臾即出

又方車轄脂酒服大良

道藏輯要

孫真人千金方

李續虛集十二

又方井底泥泥心下三寸立愈

又方青羊屎塗腹上

又方水服伏龍肝一雞子大

治大熱煩悶者方

葛根汁二升分三服如人行五里久進一服

又方燒大棗七枚為末酒和服

又方槐實燒灰取方寸匕酒和服

第六瘧病方

治妊娠患瘧湯方

恒山二兩

甘草一兩

黃芩三兩

烏梅十四枚

石膏八兩

右五味咬咀以酒水各一升半合漬藥一宿煮三四沸去滓初服六合次服四合後服二合凡三服

又方

恒山

竹葉

各三兩

石膏

八兩

粳米

一伯粒崔氏外臺作糯米

集驗救急作秫米

右四味咬咀以水六升煮取二升半去滓分三服第一服取未發前一食頃服之第二服取臨欲發服之餘一服用以塗頭額及胷前五心藥滓置頭邊當一日勿近水及進飲食過發後乃進粥食

道藏輯要

孫真人千金方

空

續虛集十二川三川

第七下血方

治妊娠忽暴下血數升胎燥不動方

榆白皮

三兩

當歸

生薑

各二兩

乾地黄

四兩

葵子

一升肘後不用

右五味以水五升煮取二升半分三服不瘥更作服之

馬通湯治妊娠卒驚奔走或從高墮下暴出血數升方

馬通汁

一升

乾地黄

阿膠

各四兩

當歸

艾葉

各三兩

右五味咬咀以水五升煮取二升半去滓內馬通汁及膠令烱分三服不瘥重作

膠艾湯治妊娠二三月上至七八月其人頓仆失踞胎動不下傷損腰腹痛欲死若有所見及胎奔上搶心短氣方

艾葉^{三兩} 阿膠 芍藥 甘草

當歸^{各二兩} 乾地黄^{四兩}

右七味咬咀以水五升好酒三升合煮取三升去滓內膠更上火令盡消分三服日三不瘥更作

治妊娠卒下血方

葵子一升以水五升煮取二升分三服瘥止

又方生地黄切一升以酒五升煮取三升分三服亦治落身後

血

道藏輯要

孫真人千金方

奎續虛集十二

又方取葵根莖燒作灰以酒服方寸七日三蟹爪湯治妊娠僵仆失據胎動轉上搶心甚者血從口出逆不得息或注上下血一斗五升胎不出子死則寒熨人腹中急如產狀虛乏少氣困頓欲死煩悶反覆服藥毋得即安

下血亦止其當產者立生方

蟹爪^{一升} 甘草 桂心^{各二兩} 阿膠^{二兩}

右四味咬咀以東流水一斗煮取三升去滓內膠烺盡能為一服佳不能者食頃再服若口急不能飲者格口灌之藥下便活也與母俱生若胎已死獨母活也若不僵仆平安妊娠無有所見下血服此湯即止或云桂不安胎亦未必爾

治妊娠胎墮下血不止方

丹參十二兩咬咀以清酒五升煮取三升分三服温日三

又方地黄汁和代赭爲末服方寸匕

又方桑蠟蟲屎燒灰酒服方寸匕

香豉湯治半產下血不盡苦來去煩滿欲死方

香豉一升半以水三升煮三沸漉去滓內成末鹿角一方寸

頓服之須臾血自下鹿角燒亦得

第八小便病方 灸法

治妊娠小便不利方

葵子 一升 榆白皮 一把

道藏輯要

孫真人千金方

續虛集十二

右二味以水五升煮五沸每服一升日三

又方

葵子 茯苓 各一兩

右二味爲末以水服方寸匕日三小便利則止 仲景云妊娠有水氣身重

小便不利灑淅惡寒起卽頭眩

治妊娠患子淋方

葵子一升以水三升煮取二升分再服

又方葵根一把以水三升煮取二升分再服

治妊娠小便不通利方

蕪菁子七合爲末水和服方寸匕日三

治妊娠尿血方

黍穰燒灰酒服方寸七日三

治婦人無故尿血方

龍骨五兩治下篩酒服方寸七空腹服日三久者二十服愈

又方

爪甲 亂髮

右二味並燒末等分酒服方寸七日三飲服亦得

又方

桂心 鹿角屑 大豆黃卷各一兩

右三味治下篩酒服方寸七日三

道藏輯要

孫真人千金方

杏續虛集十三

又方取夫爪甲燒作灰酒服之

又方取故船上竹茹曝乾擣末酒服方寸七日三亦主遺尿

治婦人遺尿不知出時方

白薇 芍藥各一兩

右二味治下篩酒服方寸七日三

又方

礬石 牡蠣各二兩

右二味治下篩酒服方寸七亦治丈夫

又方胡鷺窠中草燒末酒服半錢七亦治丈夫

又方燒遺尿人薦草灰服之瘥

又方灸橫骨當陰門七壯

第九下痢方 灸法

治妊娠下痢方

人參 三兩

黃芩 三兩

檉皮 四兩

粳米 三合

酸石榴皮 三兩

右五味咬咀以水七升煮取二升半分三服

又方白楊皮一斤咬咀以水一大升煮取二小升分三服

又方燒中衣帶三寸為末服之

又方羊脂如碁子六十枚温酒一升投中頓服之日三

治妊娠患膿血赤滯魚腦白滯臍腹絞痛不可忍者方

道藏輯要

孫真人千金方

奎續虛集十二
川文三

薤白 切一升

酸石榴皮

黃蘗 各三兩產實作黃連

阿膠 二兩

地榆 四兩

右五味咬咀以水七升煮取二升半分三服不瘥更作

治妊娠注下不止方

阿膠

艾葉

酸石榴皮

各二兩

右三味以水七升煮取二升去滓內膠令烊分三服

治妊娠及產已寒熱下痢方

黃連 一升

黃蘗 一斤

梔子 三十枚

右三味咬咀以水五升漬一宿煮三沸服一升一日一夜令

盡嘔者加橘皮二兩生薑二兩亦治丈夫常痢

治婦人欲痢輒先心痛腹脹滿日夜五六十行方

石榴皮

麴各八兩

黃蘗一作麥蘗

烏梅

黃連

艾各一兩

防已二兩

阿膠

乾薑各三兩

附子五兩

右十味為末蜜和丸如梧子大飲服二十九日三漸加至三十四十九

治婦人水洩痢方

灸氣海百壯三報

第十水腫方

治妊娠體腫有水氣心腹急滿湯方

道藏輯要

孫真人千金方

突續虛集十二

茯苓

白朮各四兩崔氏無朮

黃芩

杏仁各三兩

旋復花二兩

右五味咬咀以水六升煮取二升半分作三服

鯉魚湯治妊娠腹大胎間有水氣方

鯉魚一頭二斤

白朮

生薑各五兩

芍藥

當歸各三兩

茯苓四兩

右六味咬咀以水一斗二升先煮魚熟澄清取八升內藥煎取三升分五服

治妊娠毒腫方

蕪菁根淨洗去皮搗酢和如薄泥勿令有汁猛火煮二三沸

適性薄腫以帛急裹之日再易寒時溫覆非根時用子若腫在咽中取汁含咽之

又方燒榛牛屎酢和傳之乾則易亦可服方寸七日三

治妊娠手脚皆腫變急方

赤小豆

升五

商陸根

一斤切

右二味以水三斗煮取一斗稍稍飲之盡更作一方加澤漆一斤

產難第五

論方針法

論曰產婦雖是穢惡然將痛之時及未產已產並不得令死喪污穢家人來視之則生難若已產者則傷兒也

道藏輯要

孫真人千金方

續虛集十二

婦人產乳忌反支月若值此月當在牛皮上若灰上勿令水血惡物著物則殺人及浣濯衣水皆以器盛過此忌月乃止

凡生產不依產圖脫有犯觸於後母子皆死若不至死即母子俱病庶事皆不稱心若能依圖無所犯觸母即無病子亦易養凡欲產時特忌多人瞻視惟得三二人在傍待總產訖乃可告語諸人也若人眾看視無不難產

凡產婦第一不得忽忽忙怕傍人極須穩審皆不得預緩預急及憂悒憂悒則難產若腹痛眼中火生此兒迴轉未即生也兒出訖一切人及母皆忌問是男是女兒始落地與新汲井水五咽忌與暖湯物勿令母看視穢污